



PREASEISIÚINT Uimh. 80/24

Lucsamburg, 7 Bealtaine 2024

Breithiúnas na Cúirte i gCás C-115/22 | NADA agus páirtithe eile

Níl sé de chumhacht ag coimisiún eadrána de chuid na hOstaire atá inniúil as dópáil sa spórt a chomhrac ceisteanna a chur faoi bhráid na Cúirte Breithiúnais

Cuireann an Chúirt sraith critéar san áireamh chun cinneadh a dhéanamh an 'cúirt nó binse' de réir bhrí dhlí an Aontais, lena n-áirítear ceanglas an neamhspleáchais, nach bhfuil comhlíonta ag an gcomhlacht sin

San Ostair, ciontaíodh lúthchleasaí ghairmiúil as na rialacha frithdhópála a shárú agus dá bhrí sin, forchuireadh pionóis uirthi. De dheasca sin, cuireadh na torthaí eile a ghnóthaigh sí i gcomórtais ón 10 Bealtaine 2015 ar neamhní. Ina theannta sin, rinneadh na teidil, boinn, duaiseanna, na cearta rannpháirtíochta agus na bónaí uile a ghnóthaigh sí ón dáta sin a tharraingt siar uaithi agus cuireadh ar fionraí í ó aon chineál comórtais spóirt ar feadh thréimhse ceithre bliana ón 31 Bealtaine 2021.

Iarrann an lúthchleasaí os comhair an Choimisiúin Neamhspleách um Eadráin, an Ostair (USK) nach ndéanfaí a ainm, na cionta a rinne sí nó na pionóis a forchuireadh uirthi a fhoilsiú. D'fhiafraigh USK ar an gCúirt Bhreithiúnais an mbeadh foilsiú den sórt sin, dá bhforáiltear faoi dhlí na hOstaire, comhoiriúnach leis an Rialachán Ginearálta um Chosaint Sonraí (RGPD) ¹.

Dearbhaíonn an Chúirt nach bhfuil an iarraidh ar réamhrialú ó USK inghlactha.

Meabhraíonn sí nach mór go bhféadfar a rinne an tarchur – USK sa chás seo – a aicmiú mar “cúirt nó binse” de réir bhrí dhlí an Aontais chun go mbeidh sí i dteideal ceisteanna a tharchur chuige. **Ní chomhlíonann USK ceanglas an neamhspleáchais. Féadfaidh an tAire Cónaidhme Ealaíon, Cultúir, Státseirbhíse agus Spóirt comhaltaí USK a bhriseadh as a bpost roimh ré ‘ar fhorais thromchúiseacha’, gan an coincheap sin a shainiú sa reachtaíocht náisiúnta. Ina theannta sin, is faoin Aire sin agus comhalta feidhmiúcháin eadhon atá sé an cinneadh sin a dhéanamh, gan critéir bheachta ná ráthaíochtaí sonracha a bheith bunaithe roimh ré. Ar an gcaoi sin, ní ráthaítear go bhfuil comhaltaí USK saor ó bhrúnna seachtracha lena bhféadfadh amhras a chaitheamh ar a neamhspleáchas.**

Mar sin féin, **ní dhíolmhaíonn sin USK ón oibleagáid cur i bhfeidhm dhlí an Aontais a áirithiú ina chleachtas.** Ina theannta sin, tugann an Chúirt dá haire freisin go ndearna an lúthchleasaí iarratas freisin chuig Údarás um Chosaint sonraí na hOstaire, chun cosaint a shonraí pearsanta a fháil. Chuir an chúirt sin bac ar na himeachtaí a bhí os a comhair ar fionraí go dtí go dtiocfadh freagra ón gCúirt maidir leis an gcás seo.

NÓTA: Leis an tarchur chun réamhrialú, cuirtear ar chumas do chúirteanna agus binsí na mBallstát, i gcomhthéacs díospóid os a gcomhair, ceisteanna maidir le léiriú ar dhlí an Aontais Eorpaigh nó bailíocht gnímh de chuid an Aontais a tharchur chun na Cúirte Breithiúnais. Ní chinneann an Chúirt Bhreithiúnais an díospóid náisiúnta. Is faoin gcúirt nó binse náisiúnta atá sé an cás a chinneadh i gcomhréir leis an gcinneadh ón gCúirt Bhreithiúnais. Tá an

cinneadh sin ina cheangal, ar an gcaoi chéanna, ar chúirteanna agus binsí náisiúnta eile a n-ardaítear saincheist chomhchosúil os a gcomhair.

Doiciméad neamhoifigiúil le húsáid ag na meáin, nach bhfuil ina cheangal ar an gCúirt Bhreithiúnais.

Foilsítear [téacs iomlán agus, i gcás inarb infheidhme, achoimre](#) ar an mbreithiúnas ar shuíomh Gréasáin CURIA lá na fógartha.

Teagmhálaí preasa: Jacques René Zammit ☎ (+352) 4303 3355.

Tá pictiúir d'fhógairt an bhreithiúnais ar fáil ó [‘Europe by Satellite’](#) ☎ (+32) 2 2964106.

Fanaigí i dteagmháil linn!



¹ [Rialachán \(AE\) 2016/679](#) ó Pharlaimint na hEorpa agus ón gComhairle an 27 Aibreán 2016, maidir le daoine nádúrtha a chosaint i ndáil le sonraí pearsanta a phróiseáil agus maidir le saorghluaiseacht sonraí den sórt sin (an Rialachán Ginearálta maidir le Cosaint Sonraí).